



ТОШКЕНТ ОҚШОМ

ШАҲАР
ИЖТИМОЙ-
СИЁСII
ГАЗЕТАСИ

Газета 1966 йил 1 июлдан чиқа бошлаган

№ 64 (9.408) 2000 йил 31 май, чоршанба

Сотувда эркин нархда

1 июнь — Болаларни ҳимоя қилиш халқаро кун

«Тошкентленд»даги шодиёналар



КЕЧА

Шаҳримиздаги Мехрибонлик уйларида тарбияланган болалар пойтахтимиздаги сўлим оромгоҳлардан бири бўлган «Тошкентленд»да Болаларни ҳимоя қилиш халқаро кунини муносабатли билан ўтказилган шодиёналарда қатнашдилар. Ҳукуматга қарашли бўлмаган халқаро «Соғлом авлод учун» хайрия жамғармаси, Ташқи иқтисодий алоқалар вазирлиги, «Ўзэкспомарказ», «Coca-Cola» компанияси фарзандларимиз дилига бир олам қувонч бағишладилар. Бу ерда ўтказилган хайрия тadbирлари болалар қалбига ўчмас из қолдирди.

— Бу ердаги тadbирлар сизларга ёқаяптими? — деб сўрадик 21-Мехрибонлик уйи болаларидан.

— Жуда-жуда ҳам ёқмоқда! — деб бир овоздан жавоб беришди болалар. Улар битта аттракциондан иккинчисига ўтишга, ўзига хос эртақлар оламига киришга ошқинар эди.

Бу ерда янграган мусиқа оҳанглари, «Томоша» болалар жамоасининг чиқишлари ҳаммага манзур бўлди.

— Болаларни ҳимоя қилиш халқаро кунини Мехрибонлик уйларида тарбияланувчи фарзандларимизга совға-саломлар ула-

шишни жуда ҳам хоҳлаймиз, — дейди ҳукуматга қарашли бўлмаган «Соғлом авлод учун» хайрия жамғармасининг раиси Ойниса Мусурмонова. — Ушбу хайрия тadbиримиз болаларнинг кўнглига ёққанлигини, минг-лаб болакай ва қизалоқлар ундан мамнун бўлишларидан бахтиёримиз.

Байрам яна давом этади. Шаҳримиз истироҳат болаларида Соғлом авлод йили доирасида Болаларни ҳимоя қилиш халқаро кунини шарафига ансамблининг чиқишлари бўлади, турли танловлар ўтказилади, «Тошкент» саройида улар болалар бадий ҳаваскор жамоаларининг чиқишларини томоша қиладилар. Бир сўз билан айтганда байрам байрамдигидек ўтказилади.

(Ўз мухбириимиз).



СУРАТЛАРДА: «Тошкентленд»да ўтказилган байрам шодиёналаридан лавҳалар.

Сергей Любич олган суратлар.

Болаларни ҳимоя қилиш халқаро кунини бағишлаган бошқа мақолаларни газетанинг 3-4-саҳифаларида ўқисиз.

ДАВР САДОСИ

БАРЧА МАНБАЛАРДАН ОЛИНГАН
СЎНГИ ХАБАРЛАР

МАМЛАКАТИМИЗДА

● Кеча Тожикистон Республикаси Бош вазир Оқил Оқиллов амалий ташриф билан Ўзбекистонга келди. Ўзбекистон Республикаси ҳукуматининг пойтахтдаги қароргоҳида икки мамлакат Бош вазирларининг учрашуви бўлиб ўтди. Шундан сўнг Бош вазирлар иштирокида икки мамлакат ҳукуматлари делегацияларининг кенгайтирилган таркибдаги музокаралари бўлиб ўтди. Унда бир қанча муҳим масалалар муҳокама қилинди.

● Вазирлар Маҳкамасида Кичик ва ўрта тadbиркорлиқни ривожлантиришни рағбатлантириш бўйича республика мувофиқлаштирувчи кенгашининг йиғилиши бўлиб ўтди.

● Сурхондарё вилояти пиллақорлари қабул пунктларига 930 тонна пилла топшириб, бу борадаги шартнома режасини ошириб бажардилар.

● Ўзбекистон Республикаси Прокуратурасида идоралараро мувофиқлаштирувчи кенгаш мажлиси бўлиб ўтди. Мажлисида кино-ялларнинг олдини олиш, фoш этиш, тергов қилиш ва жазо муқаррарлигини таъминлаш юзасидан таъсирчан чора-тadbирларни амалга ошириш йўллари белгиланди.

● Андижонда республика китоб ярмарка-курғазмаси бўлиб ўтди.

● Пойтахтимиздаги «Туркистон» саройида Исроиел Давлати ташкил этилганлигининг 52 йиллигига бағишланган тантанали кеча ўтказилди.

● Банк-Молия академиясида «Ўзбекистон банк тизимини эркинлаштиришнинг долзарб масалалари ва жаҳон тажрибаси» мавзусида халқаро илмий-амалий конференция ўтказилди.

● Ўзбекистон Республикаси Вазирлар Маҳкамаси ҳузуридаги Гидрометеорология Бош бошқармасида ҳудудимиздаги иқлим ўзгаришлари ва бу жараён натижасида рўй бериши мумкин бўлган оқибатлар муаммосига бағишланган республика илмий семинари бўлиб ўтди.

● Пойтахтнинг марказий вокзалидан Тошкент — Москва тез қатновчи поездининг ҳаракати қайтадан тикланди. Поезд ҳафтада икки марта — душанба ва пайшанба кунлари юради.

● Бухоронинг кўна карвонсаройларида бирида «Тасвирий ойна» уюшмасининг виллоят бўлими томонидан ташкил этилган кўнжорқ театри очилди.

● Самарқанддаги ортопедия-жарроҳлик шифохонасида букрилик касалига даво топилиди. Уни ёш шифокор Саидқосим Пардаев кашф этди. Шундай қилиб, ўзбек шифокори жаҳон тиббиёти соҳасида ўзига хос янгилик яратди.

● Сурхондарёда «Термизнинг 2500 йиллиги» жағнамаси ташкил этилди. Эндиликда, «Пахтабанк»нинг Термиз бўлимида очилган жағнама ҳисоб рақамига ихтиёрий равишда маблағлар келиб тушмоқда.

ЖАҲОНДА

● Москвада Россия ва Европа Иттифоқининг саммити бўлиб ўтди. Россия Федерацияси Президенти В. Путин ва Бош вазир М. Касьянов Португалия Бош вазир А. Гуттереш (Португалия ҳозирги пайтда Европа Иттифоқида раислик қилмоқда) бошчилигидаги Европа Иттифоқининг нуфузли делегацияси ва Европа Комиссиясининг раиси Р. Проди билан музокаралар олиб бордилар. Музокаралар натижасида Россия билан Европа Иттифоқи ўртасидаги муносабатлар нормаллашиб бораётганлиги тўғрисида баёнот берилди.

● Россия Федерацияси Президенти Владимир Путин ядро қуроли синовини ялпи тақиқлаш тўғрисидаги шартноманинг ратификацияси ҳақидаги қонунга имзо чеқди.

● Вашингтонда Америка — Ўзбекистон савдо палатасининг йиллик VI конференцияси бўлиб ўтди.

● Бугун Тбилисида Грузия Президенти Э. Шеварднадзе МДХнинг ижрочи котиби Ю. Яров билан учрашди. Учрашув чоғида июнь ойида Москвада ўтадиган МДХ раҳбарлари саммитига тайёргарлик, минтақавий хавфсизлик масалалари муҳокама этилди.

● Бугун Марказий Осиё мамлакатлари бўлаб сафар қилаётган Европада Хавфсизлик ва ҳамкорлик ташкилотининг амалдаги раиси, Австрия ташқи ишлар вазир Б. Феррера-Вальднер Қирғизистонга келди. У Туркменистон ва Тожикистон Президентлари С. Ниязов ва И. Раҳмоновлар билан учрашди.

● Перуда Президент сайловининг иккинчи босқичи бўлиб ўтди. Дастлабки натижаларга қараганда, ягона номзод — амалдаги Президент Алберто Фумигори сайловда қатнашганлардан 75 фоизнинг овозини олишга муваффақ бўлган.

● Севрра-Леонеда исёнчилар тўдалар томонидан ҳибсга олинган БМТ тинчлик кучлари ҳарбийларининг барчаси озод қилинди.

● Покистон ҳукумати Хиндистон томонини тинчлик музокараларини давом эттиришга қачирди. Мазлумки, икки давлат ўртасида алоқаларни барқарорлаштириш мақсадига бошланган музокаралар ўтган йили Қашмир можароси сабабли тўхтаб қолган эди.

● Европа мамлакатлари бўлаб давлат раҳбари сифатида ўзининг охири расий сафарини Португалиядан бошлаган АҚШ Президенти Билл Клинтон бугун Лиссабонда Европа Иттифоқининг раҳбарлари билан учрашди, кейин у Германия, Украина ва Россияга ташриф буюрди.

● БМТнинг ҳарбий миссияси Тожикистондаги ўз ишини ниятсизга етказди.

● АҚШнинг Флорида штатида ўз вазирафини бажарган «Шатл-Атлантик» фазо кемаси «Кенеди» номига фазо марказига қўнди.

● Германиянинг Хонновер шаҳрида ўтказилган халқаро компьютерлар курғазмасида Самарқанддаги «ТС-технология» илмий ишлаб чиқариш маркази ҳам иштирок этиб, муваффақият эълонига сазовор бўлди.

● Фижия армиясининг буюм қўмондонини мамлакат Президенти вазифасини ўз зиммасига олганлиги ва мамлакатдаги вазиятни барқарорлаштириш мақсадига фақуллоҳда ҳўлат жорий этилганлиги тўғрисида баёнот берди.

● Нигерия шимолида мусулмонлар билан насронийлар ўртасида яна тўқнашув юз берди. Бу икки ўз кишининг ўлимига сабаб бўлди. Юзга яқин ўйга ўт қўйилди. Полиция тезда ушбу нотинчликни қўйди.

● Қуват ички ишлар вазирлиги мамлакатга тегишли денгиз ҳудудида кетаётган кемадан икки киши қирғинда оғиб қолганлиги маълум қилди. Бу жиноят юзасидан эронлик 13 фўқаро ҳибсга олинган.

ЎЗБЕКИСТОН РЕСПУБЛИКАСИ ПРЕЗИДЕНТИ ИСЛОМ КАРИМОВГА

Мухтарам Ислам Абдуганиевич!
Юксак савимият, оталарча меҳр ифодаси бўлган табрик сўзларингиз биз — талаба ёшлар — университетда иштирокчиларини беҳад тўлқинлантириб юборди. Шундай азиз Ватанда, шундай мусавффо осмон остида яшаётганимиздан, шундай буюк халққа фарзанд эканимиздан кўксимиз гурурифтхорга тўлди.

Эзгу тиллақларингиз ва юксак ишончингиз учун бениҳоя миннатдоримиз.

Сизнинг бизларга қарата айтган умид ва ишонч тўла сўзларингиз университетда мусобақалари давомида кўнчимизга қўч, ғайратимизга ғайрат қўшди, мудом ғолиблик, мардлик, танлилик ҳисси билан майдонга тушишга даъват этиб турди.

Бугун озод ва обод Ватанимизда баркамол авлод тарбиясига улкан эътибор билан қаралмоқда. Ўзал Наманган шаҳрида ўтган университетда бунинг қўл далилидир.

Сизни иштироки айтмакчи, биз муқаддас Ватанимиз раънақи йўлида сидқидилдан хизмат қилишга ҳамisha тайёримиз. Юртимиз, халқимиз ва йўлбошчимиз билдирган юксак ишончга муносиб бўлмоқ бизнинг фарзандлик бурчимиз эканини бир умр ёдда сақлаймиз.

Юртимиз бахтига доимо соғ-омон бўлинг!

Эҳтиром билан

МИННАТДОР ФАРЗАНДЛАРИНГИЗ
— УНИВЕРСИДА ИШТИРОКЧИЛАРИ

2000 йил 29 май, Наманган шаҳри.

«Универсиада—2000» якуланди

ФИДОЙИ ХАЛҚНИНГ

ЮРТПАРВАР

ФАРЗАНДЛАРИ БАЙРАМИ



Ўзбекистон Республикаси Президенти Ислам Каримовнинг ташаббуси ва раҳнамолигида ўтказилган илк «Универсиада—2000» мусобақалари юртимиз ёшлари ҳаётида унутилмас ва бетакорр воқеаларга бойлиги билан ўзига хос эркин саҳифаларга эга бўлди. Мамлакатимизнинг турли шаҳарларидан, шунингдек унинг ўзгал пойтахтидан сўлим Наманганга ташриф буюрган талаба-ёшлар бир ҳафта мобайнида спортнинг ўзга яқин тури бўйича уюштирилган мусобақаларда ўз маҳоратларини намойиш этидилар.

Баҳсларда энг кўп медални Наманган вилоятининг вакиллари қўлга киритишди. Пойтахтдан ташриф буюрган «Тошкент—1» жамоаси вакиллари «Юртимиз» ва «Тошкент» жамоаси билан қувончли бўлди. Биринчи энгил атлетика мусобақаларида 8 та олтин медалга эга бўлган тошкентликларнинг бошқа турлар бўйича натижалари ҳам қачки бўлмади. Сўнгги сарҳисобга қўра, умумжамоа ҳисобига Наманганликлар биринчи, «Тошкент—1» жамоаси иккинчи, Самарқандликлар учинчи ўринни эгаллаб, «Универсиада—2000»нинг ғолиблик шохсупасига қўтарилишди.

Ўтган кун Наманган шаҳридаги «Навбахор» стадионида ўзгача фазо ва тароват касб этди. Бу ерда спорт анжуманининг ёпилиш маросими бўлиб ўтди. Майдон узра мусиқа садолари янгради. Самода университетда байроғини хиллратиш, улкан ҳаво шарлари парвоз қилди.

Стадионга тўпланган минг-минглаб томошбинларнинг гулдўрос қараклари остида Ўзбекистон Республикаси Президенти Ислам Каримовга «Универсиада—2000» иштирокчиларининг мактубини Наманган Давлат университети-нинг толибиси Гулбаҳор Мухиддинова ўқиб эшиттирди. Шундан сўнг университетда ғолибларига Ўрбшосимизнинг махсус совринлари

— «Тико» автомобиллари тантанали равишда топширилди. Ғолибларни мукофотлаш маросимида иштирок этган Президентнинг Давлат маслаҳатчиси Т. Рискиев, Бош вазир ўринбосари Д. Фуломов, Тошкент шаҳар ҳокими К. Тулагов, Давлат жисмоний тарбия ва спорт қўмитаси раиси Б. Махситов ва бошқалар совриндорларга Ўрбшосимизнинг ана шу қимматли совғаларини топширдилар.

Шундан сўнг стадионда Ватан, ёшлик, дустлик ҳақидаги қўшиқлар янгради, томошабинлар қўлларидан давлатимиз байроғини баланд кўтариб, ўз юртиларига бўлган садоқатларини намойиш этидилар.

Шундай қилиб, юртимизда яна бир улкан спорт анжумани тарихи саҳифасига айланди. У фидойи халқимизнинг юртпарвар уғил-қизларига жуда ҳам ярашлик байрам сифатида тарих саҳифасидан ўрин олди.

(Ўз мухбириимиз).

«Toshkent open» турнири

ТАШКИЛИЙ

ҚЎМИТА МАЖЛИСИ

КЕЧА

пойтахтимиздаги «Динамо» теннис клубида шу йилнинг 10-18 июнь кунлари «Toshkent open» Халқаро аёллар теннис турнирини ўтказиш бўйича ташкилий қўмитанинг мажлиси бўлиб ўтди. Мажлиси Тошкент шаҳар ҳокимининг биринчи ўринбосари Аҳмаджон Миржалилов олиб борди.

Ободонлаштириш бош бошқармаси, Бизнес маркази, Савдо департаменти, «Тошшаҳарнур», «Тошхазорўловитч» уюшмаларининг вакиллари турнирга тайёргарлик ва уни ўтказиш билан боғлиқ масалаларни — спортчилар ва ҳакамларни қабул қилиб олиш ва уларни joyлаштириш, уларга ҳамма шарт-шароитларни таъминлаш билан боғлиқ бўлган масалаларни муҳокама қилдилар. Мажлисида бажариладиган ишларнинг қаттагина қисми адо этиб бўлинганлиги ва 10 июнга бориб Тошкент меҳмонларини қабул қилишга ҳозир нозир бўлиши таъкидлаб ўтилди.

Мажлисида шунингдек «Toshkent open» теннис турнирининг тadbирлар рўйхати — теннисчиларнинг Тошкент шаҳар ҳокими Қозим Тулагов томонидан қабул қилиниши, қўра ташлаш маросими, турнирнинг очилиши ва ёпилиши, ўйинларнинг бошланishi вақтига оид тadbирлар рўйхати муҳокама этилди ва тасдиқланди.

Шундай қилиб ташкилий қўмита ўз ишини давом эттирмоқда ва уйланишга ана шу қатр спорт байрамга келадиган томошабинлар ҳам, унинг қатнашчилари ҳам ушбу байрамдан эър қониқиш ҳосил қилдилар.

(Ўз мухбириимиз).

КОРТА РАҲБАРЛАР ЧИҚАДИ

Республикамизда теннис энг оммавий спорт турларидан бирига айланди. Хар йили Ўзбекистон Республикаси Президенти Кубоги, аёллар ўртасида «Toshkent open» халқаро турнири, виллоларда «Челленджер» мусобақалари ўтказилиб келинмоқда.

Шу билан бир қаторда бу йил бешинчи бор «Хавас» турнири ҳам бўлиб ўтди. Унда иштирок этган раҳбар ҳодимлар тенниснинг ривожланишида шахсий намуна қўрсатдилар.

Тошкент шаҳрида ҳам шундай болашувни ўтказишга қарор қилинди. 3 июнда «Динамо» теннис мажмуида Тошкент шаҳар ҳақда туман ҳокимлари, пойтахтдаги вазирликлар ва идора раҳбарлари, бошқармалар, чет эл ваколатхоналари раҳбар ҳодимлари ўртасида теннис бўйича мусобақалар ўтказилди.

Бу мусобақаларда иштирок этишни хоҳловчилар Тошкент шаҳар теннис федерациясига — 144-14-46, 144-44-12 рақамли телефонлар орқали ёки иши гуруҳига — 139-04-02 телефонлар орқали мурожаат этишлари мумкин.

Тошкент шаҳар ҳокимлиги ҳузуридаги Матбуот гуруҳи.

Ўзбекистон Республикаси Марказий банки ахбороти



ЎЗБЕКИСТОН РЕСПУБЛИКАСИ МАРКАЗИЙ БАНКИНИНГ ҚИЙМАТИ 500 СЎМ БЎЛГАН ПУЛ БИЛЕТИНИ МУОМАЛАГА ЧИҚАРИШ ТЎҒРИСИДА

2000 йилнинг 1 июнидан бошлаб Ўзбекистон Республикаси марказий банкнинг қиймати 500 сўм бўлган пул билети муомалага чиқарилади.

Билетнинг ўнг тарафидаги кенг оқ рангли сатҳда Ўзбекистон Республикаси Герби қўйнишидаги сув белгиси мавжуд. Билетнинг ўнг тарафида ҳимоя ипи ўтади.

Билетнинг олд тарафи асосан оч яшил, олчаранг, тўқ қизил ва бинафша, орқа томони тўқ қизил, яшил ва ҳаво ранглардан иборат.

Билет олд тарафининг юқори қисмида «ЎЗБЕКИСТОН РЕСПУБЛИКАСИ МАРКАЗИЙ БАНКИ» ёзуви бор.

Билетнинг чап қисмида турли рангдаги безаклар фонида Ўзбекистон Республикаси Герби тасвирланган.

Гербининг пастки қисмида етти та рақамли номери билан икки лотин ҳарфидан иборат серияси бор.

Билетнинг чап ва ўнг тараф бурчакларининг қуйи қисмида нақшдор рамка ичида «500» рақами тасвирланган бўлиб, банкнотнинг қийматини билдиради. Ундаги 500 рақами устига йирик ҳарфлар билан «СЎМ» деб ёзилган.

Пастки қисмида «ЎЗБЕКИСТОН СЎМИ РЕСПУБЛИКА ХУДУДИДА ҲАММА ТЎЛОВЛАР УЧУН ЎЗ ҚИЙМАТИ БЎЙИЧА ҚАБУЛ ҚИЛИНИШИ ШАРТ» деган ёзуви бор.

Билет оқ сатҳининг қуйи қисмида билет серияси ва номери тагида «500» рақами тасвирланган, юқори қисмида «1999» ёзуви бор.

Билет орқа томонининг чап қисмидаги оқ сатҳда Ўзбекистон Республикаси Герби қўйнишидаги сув белгиси мавжуд. Оқ сатҳнинг юқори ва пастки қисмида турли қўйниши ва ранглардаги нақшдор безаклар мавжуд. Пастки безак устида «500» рақами акс эттирилган.

Билетнинг марказида от миниб турган Амир Темури ҳайкали тасвирланган.

Ҳайкалнинг ўнг тарафида миллий услубда турли ранглардаги нақшли безак тасвирланган.

Билетнинг марказий қисми юқори чап ва пастки ўнг томонларида бир-бирини кесиб ўтувчи «500» ва «СЎМ» ёзувлари мавжуд.

Билетнинг қуйи қисмида «ЎЗБЕКИСТОН СЎМИНИ ҚАЛБАКИЛАШТИРИШ ҚОНУНГА МУВОФИҚ ТАҚИБ ҚИЛИНАДИ» ёзуви мавжуд.

Мазкур пул билети Ўзбекистон Республикаси ҳудудида ҳамма тўловлар учун, мулкчилик шаклидан қатъи назар, барча жисмоний ва юридик шахслар томонидан, шунингдек, банклар томонидан омонатларга ва ҳисоб рақамларга қўйиш учун ҳеч қандай чекловларсиз қабул қилиниши шарт.

ЭРКИНЛАШТИРИШ — ОЛФА ИНТИЛИШИМИЗ КАФОЛАТИ

Маълумки, мустақил Ўзбекистонимизда миллий валюта жорий этилиши билан республика ҳудудига ҳамма пуллик операциялар ягона валюта — «сўм»да ташкиллаштирилган ва бу қоидалар ҳамма учун тенг баробар бўлиб, республикамизда фаолият кўрсатаётган ёки қисқа муддатга келган чет эл фуқароларига ҳам тегишли эди. Шу йилнинг 1 апрелидан бошлаб Ўзбекистон Республикаси Вазирлар Маҳкамаси томонидан қабул қилинган «Биржадан ташқари валюта бозорини ривожлантиришга доир қўшимча чора-тадбирлар тўғрисидаги қарорга асосан қорхона, ташкилот ва муассасаларига, чет эл фуқароларига пуллик хизмат кўрсатиш учун ҳисоб-китобларни эркин алмаштириладиган валютада ундириш ваколати берилди. Мазкур қарорнинг бажарилиши ва унинг айрим бандларини шарҳлаб беришни Марказий банк Тошкент шаҳар Бош бошқармаси бошлиғи Баҳодир МИРЗОБЕКОВДАН илтимос қилдик.

— Биржадан ташқари валюта бозорини мустақамлаш ва янада ривожлантириш билан боғлиқ янги қўшимча чора-тадбирлар давр талаби бўлиб қолмоқда. Қарорда таъкидланганича, республика ҳудудига нақд хорижий валюта муомаласи тўғрисидаги амалдаги қонун ҳужжатлари бўлиши билан, ҳисоб-китоб механизмининг тақомиллаштириш мақсадидан 1 апрелдан бошлаб резидент бўлмаган шахсларга бир қанча хизмат турлари (тиббий хизматлар, таълимнинг барча турлари — умумий ўрта таълимдан ташқари; меҳмонхона, сайёҳлик фирмалари хизматлари, авиация хизматлари ва улар билан боғлиқ хизматлар, темир йўл ташувлари, ҳалқаро автомобиль ташувлари, телефон ва пейджинг алоқаси, спорт-соғломлаштириш, юридик хизматларга тегишли ўй-йўллари ижарага олиш, транспорт экспедиция ҳамда суғурта хизматлари) бўйича ҳақ чет эл валютасида олинади.

— Ўзбекистонда ҳалқаро банкларро хизматлар қандай йўлга қўйилган? Нима учун айнан ушбу банк хизмат кўрсатувчи қорхоналарнинг валюта операцияларини бажариш ваколатига эга?

— Ҳақиқатдан ҳам қабул қилинган қарор бўйича қорхона, муассаса ва ташкилотларнинг кўрсатиш хизматлари учун тўловлар фақат Ташқи иқтисодий алоқалар Миллий банк, «Аска» банк ва «Ўзсаноатқурилиш» банки бўлимлари орқали амалга оширилади. Мазкур банклар юқори сифатли, маълум ва тезкор валюта хизматларини бажаришлари билан бирга улар чет эл банклари билан кенг равишда ҳамкорлик қилаётган ва Америка, Осиё ҳамда Европа давлатларининг йирик банкларидан корреспондентлик ҳисоб-рақамларини очганлар. Шу тўғрисида мазкур банклар Ўзбекистон норезидент жисмоний шахсларининг Ўзбекистон Республикаси ваколатли банкларидан ёки хорижий банклардан очилган валюта ҳисоб-рақамларидан тўловларни ўндириб олиш имкониятига эгадирлар.

— Хизмат кўрсатувчи қорхоналар ҳисоб-рақамларига ушбу банклар орқали тегишли валюта тушуми қандай ўтказилади? Шу ўринда уларга берилган имкониятлар туфайли бошқармалар томонидан тўсиклар қўйилмасмикан?

Қарорга асосан, барча хизмат кўрсатувчи қорхона, муассаса ва ташкилотлар махсус валюта ҳисоб-рақамларини Ташқи иқтисодий алоқалар вазирлигидан ташқи иқтисодий алоқалар қатнашчиси сифатида олинган давлат рўйхатидан ўтмасдан белгиланган тартибда очиллари мумкин. Тўловлар норезидент жисмоний шахсларнинг Ўзбекистон Республикаси ваколатли банкларидан ёки хорижий банклардан очилган валюта ҳисоб-рақамларига пул ўтказиш йўли билан дибет-кредит пластик қарточкалардан фойдаланган ҳолда нақд эркин муомаладаги валюта тулиниши мумкин. Хизмат кўрсатувчи қорхона, муассаса ва ташкилотлар махсус валютада ҳисоб-рақамларига тушган валюта тушумлари 50 фоизини Марказий банкка мажбурий соттанлардан сўнг тушумининг қолган қисmini қорхоналар ўз ҳо-ҳишларига қўра қорхонанинг мустақам ривожланишига йўналтиришга ваколатлидирлар. Норезидентларга кўрсатилган хизматлари учун қорхоналар тариф ставкаларини

қонуний ва меъёрий ҳужжатлар асосида ҳамда Марказий банк томонидан ҳисоб-китоб қилинадиган қундаги расмий курс бўйича белгилайдилар. Ҳисоб-шартнома уч нусхада ёзилади, қорхона, ташкилот, муассаса раҳбари томонидан имзоланиб, муҳр билан тасдиқланади ва биринчи нусхаси қорхона бухгалтериясига берилади, иккинчиси тўлаш учун банкка топширилади ва учинчи нусхаси тўловчида қолади. Тўлов тақдим этилган ҳисоб-шартномага мувофиқ эркин алмаштириладиган валютада қабул қилинганда банк норезидентларга Ўзбекистон Республикаси Марказий банк томонидан белгиланган шакл бўйича хизматлар учун тўлов эркин алмаштириладиган валютада қабул қилинганлиги тўғрисида банк «маълумотнома» сени беради, унда қорхона, ташкилот, муассаса номи, ҳисоб-шартнома тартиб рақами, махсус валюта ҳисоб рақами, сўм ва эркин алмаштириладиган валютадаги тўловлар санаси ва миқдори, Марказий банкнинг тўлов санасидаги расмий курси кўрсатилади. Маълумотнома уч нусхада берилади, биттиси миждода қолади, иккинчиси хизмат кўрсатган қорхона, ташкилот, муассаса бухгалтериясига топширилади, учинчиси банкда қолади.

Ҳайламанки, белгиланган амалдаги қонун-қоидаларга, риоя қилган ҳолда, резидент қорхоналар ўз ҳисобларига валюта тушуmini кўпайтириш имкониятларидан кенг фойдаланишлари мумкин. Аммо бундай вазиятда бўлиши мумкин бўлган тўсиклар тўғрисидаги саволга келсак, унга ҳар бир мутасадди бошқарма ўз жавобини берса маъқул бўлар эди.

— Хизмат кўрсатувчи қорхонанинг Марказий банк ҳисобига мажбурий соттиладиган эркин валютаси қайси курс бўйича ҳисобланади?

— Қарорнинг учинчи бандига қўра хизматлар учун ҳақ тўлаш ҳисобига кўрсатиб ўтилган банк муассасаларига тушадиган валюта тушумининг 50 фоизи Марказий банкка сотилиши мажбурий деб белгиланган ва ушбу операциялар Марказий банк томонидан ҳисоб-китоб қилинган қунга қайд этилган расмий курси бўйича сўмга тенглаштирилади ва валюта тушумини мажбурий сотишга тенг сўмини, шунингдек норезидент жисмоний шахсларга пулли хизматлар кўрсатувчи қорхоналар ихтиёрида қолувчи валютани ҳисоб рақамига ўтказиш билан боғлиқ операциялар учун банк кун мобайнида амалга оширилади.

— Бизнинг халқимиз — меҳмондўст. Шу сабабли резидент бўлиш фирма ёки компания Ўзбекистонда меҳмон бўлишга чет эллик ҳамкорига жўнаб кетиш учун чиптани сўм ҳисобидан олиши мумкинми? Яна бир савол: агар чет эл фуқаросига тез ёрдам хизмати кўрсатилиши лозим бўлиб қолса, бу шароитда тўловлар қандай бажарилади?

— Қарорнинг иккинчи иловасида қайд этилган тартиб қоидалар барча чет эл фуқароларига тенг тегишли, дейилган. Қандай бўйича пуллик хизмат олиш учун ҳар бир жисмоний шахс унинг резидент ёки норезидент бўлишидан қатъий назар шахсини, фуқаролиги бор ёки йўқлигини аниқловчи ҳужжатларини тақдим этишлари шарт. Яъни ҳулоса шуки, чет эллик ҳамкорларга меҳмондўстлик юзасидан қайтиб кетиш учун кўрсатиладиган хизмат ҳақи фақат эркин муомаладаги валютада тўланади.

Агарда Ўзбекистон норезидентига тез тиббий ёрдам ёки бошқа тезкор хизмат зарур бўлиб қолса, бундай ҳоллар ижобий ҳал этилиши шарт, яъни аввал хизмат кўрсатилиб, кейин норезидент фуқаро номига эркин валютада тўлов учун ҳисоб варақаси тўлдирилади. Умумий ҳулоса қилиб айтмоқчиманки, валюта бозорини ривожлантиришга йўналтирилган барча қўшимча чора-тадбирларни ҳаётга тадбиқ этиш ва кўзланган мақсадларга эришиш учун ҳар томонлама ёндошиб, келиб чиқадиган муаммоларни бир-галликда нафақат молия ва банк органлари, балки валюта ишлаш учун кенг имкониятларга эга хизмат кўрсатувчи қорхоналар ва ташкилотлар билан ҳал қилиниши керак.

Сўхбатдош Ильямира ЗАЙНУТДИНОВА, Тошкент шаҳар ҳокимлиги ҳузуридаги Матбуот гуруҳининг аъзоси.

Доимий комиссиялар фаолиятидан
УЧ ЙўНАЛИШДА

Бугунги кунда ёшлар тарбияси, уларни ҳар томонлама етук, баркамол инсон бўлишлари нафақат ота-оналар ёки мутахассисларга тегишли, балки ушбу масалалар давлатимиз сиёсатининг устувор вазифаларидандир. 2000 йилнинг Соғлом авлод йили деб аталиши ва шу ўринда махсус Давлат дастури бўйича қилинаётган кенг қамровли тадбирлар фикримизнинг амалдаги эркин далилидир.

Ҳақиқатдан ҳам, ёш авлодга бугун эътибор юксак даражада қўйилган ва бу бежиз эмас, албатта. Ёшлар — бизнинг эртанги қўнимиз, ишончимиз, умидимиз, давлатимизнинг порлоқ келахатидир. Шундай экан, ХХI асрнинг пойдевори мустақам бўлиши учун ҳозирдан сўй-хоракларимиз қандай бўлиши керак, ёш ўғил-қизларимиз бугун нима билан машғул, уларнинг қизиқишлари, талаблари нисолардан иборат, ёш авлод тарбиясига эътибор етарилганими? Шу каби масалаларни ҳар томонлама ўрганиш, уларнинг ечимини топиб ҳоётга тадбиқ этиш ҳолқ депутатлари Тошкент шаҳар Кенга-шининг асосий мақсадларидан биридир.

Авал бошқар қилганимиздек, ҳолқ депутатлари Тошкент шаҳар Кенгашининг доимий комиссияларидан бири — ёшлар сиёсати ва соғлом авлод масалалари бўйича бўлиб, ўз фаолиятини уч йўналишда ишчи гуруҳлар ташкил қилиб олиб бормоқда. Ёшларнинг тарбиясида, уларнинг дунёвий билимларни эгаллашларида, мукаммал авлод бўлиб етишларида жамоатчиликнинг фикрини ўрганиш учун комиссиянинг таълим, фон, спорт, тиббиёт, борча жамоат ташкилотлари, вакилларидан тузилган махсус гуруҳи ҳозирги кунда жойларда — маҳаллалар, меҳнат жамоалари, ўқув юртларида бўлиб, атрофидаги фикр-мулоҳазаларни тўплайди ва улар юзасидан муҳокамадан қолган йиғилишга тақдим этиди.

— Гуруҳимиз йигирмадан ортиқ барча соҳа мутахассисларидан иборат бўлиб, шаҳар бўйича ҳамма туманларда ёшлар масалаларига оид қилинаётган ишлар билан танишиб чиқди, — деди гуруҳ раҳбари, депутат А. Аҳромов. — Ҳозирча, умумий ҳулоса чиқаришга вақт эрта. Биз депутатларнинг асосий вазифаларимиздан бири ёшлар билан кўпроқ мулоқотда бўлмоғимиз, уларни ҳоҳирхориқ қоралошмиш даркор ва бу ишларда жамоатчиликнинг ўрнини кучайтиришимиз мумкин.

Ушбу ишчи гуруҳининг фаолияти бўйича якунлар мазкур доимий комиссиянинг навбатдаги йиғилишида қўриб чиқилоди. (Ўз муҳбиримиз).

Албатта, бирон-бир қорхона, ташкилотга ишга кирмокчи бўлган одам у ердаги иш ҳақининг миқдори ва бошқа тўловлар билан қизиқади. Ҳамма манбаларни чамалаб қўриб, маъқул топсагина шу ерда ишлашга рози бўлади. Айниқса, ҳозирги бозор иқтисодиёти шароитида бу масала ҳал қилувчи аҳамиятга эга.

Раҳбарлик фазилатлари:
уларни қандай шакллантириш керак?

МЕҲНАТ ВА
РАҒБАТ

Қўпичча, фирма ҳодимларининг иш ҳақи уч қисмдан ташкил топиши керак, деган фикр билдирилди. Яъни:

- мансаб мажбуриятини бажарганлиги учун;
- ишлаган йиллари ҳамда яшаш қийматини ҳисобга олиш;
- ўтган муддат мобайнида ишда эришган натижалари учун тўловлар.

Албатта, бу усул ягона ва бахс-мунозарани талаб қилмайди, деб бўлмайди. Юқоридегилардан ташқари, масалан, бажарилган ишнинг сифати ва миқдори (ҳажми), ҳодимнинг маалакаси, ишдаги ташаббусқорлиги ҳар томонлама тақдирлангани кераклигини исботлаб ўтиришнинг ҳолати бўлмас керак.

Ривожланган мамлакатларда ишни ташкил этиш ёки ишлаб чиқаришнинг бирон-бир жараёнини тақомиллаштириш, махсус-лат сифатини бир даража яхшилаш, хом ашё ва материалларни тежашга қаратилган тақлифлар, қўғиларнинг ўзи, улар ишлаб чиқаришга жорий этилишидан қатъий назар, моддий рағбатлантирилади. Агар улар жорий этиладиган бўлса — ҳодим яна қўшимча маблағга эга бўлади. Яна мунтазам равишда ўзи эгаллаб турган иш ўрни ёки лавозимига муносиблик бўйича аттестация натижалари асосида ҳам ҳодим рағбатлантирилади.

Масалан, у аттестацияда аъло баҳо олса — маоши оширилади, имконият бўлган ҳолларда — маала даражаси ёки мансаби оширилади. Аттестацияда қонқилири баҳо олиш — ўзи ўрнини оқлаш деган гап. Мабодо, ҳодим аттестациядан ўта олмас — у иш ўрнидан ёки маошининг юқори кўрсаткичидан маҳрум бўлади, қўшимча шартларга жавоб беришга тўғри келади.

Хорижий қорхоналардаги яна бир қонда (тартиб) бизда ҳам жорий этила боришига ишончимиз қомил. У ҳам бўлса бир хил лавозим ва бир хил турдаги иш учун ҳодимлар ўз маалака ҳамда маҳоратларига қараб, бажарган ишлари сифатига қараб турлича иш ҳақи олишларида иборат. Ҳар бир ҳодимга иш ҳақи махсус конвертларда берилиши бундай ҳолларда ўринсиз эътирозлар ноҳус ҳолатларнинг олдини олади. Албатта, бунда бир турдаги ишни, бир хил махсус-латни юксак сифат ва масъулият билан бажариш ва ишлаб чиқариш назарда тутилган.

Яъни ҳодимларни қўлдан чиқармасликка қаратилган, жамоа ишнинг ҳақида бир метрда ташкил этилишини таъминлаш, унинг узок муддат давомида рақобатбардор бўлишига эри-шишни қўлда тутувчи моддий рағбатлантиришнинг турли хил шакллари бўлиши мумкин ва ҳоказо.

Мухтарам тадбиркорлар, қорхона, жамоа раҳбарлари! Энди навбатдаги — 12-вазифани эътиборингизга ҳавола эта-миз. Юқорида тилга олинган ва ҳодимнинг иш ҳақи ҳажминини оширадиган омиллардан ташқари сиз қўлаётган ёки қўрган-ашитган қандай омилларни биласиз? Эришган натижаларингиз асосида ҳодимларнинг иш ҳақи ривожланиш динамикасини бел-гилаб берувчи ўз моддий ва маънавий омиллар бўйича ўз тақ-лиф ва мулоҳазаларингизни билан қилинг. Уларни тахририяти-мизга йўлласангиз — нур устига аъло нур бўларди.

«Раҳбарлик фазилатлари: уларни қандай шаклланти-риш керак?» рўқни учун» деган белгини ёзиб қўйишни унутманг.

ТАБИАТ
ВА ИНСОН
№5 (100) Тошкент шаҳар табиатни муҳофаза қилиш қўмитасининг иловаси

Маълумки, инсон ҳаёти табиий муҳит билан узвий боғлиқдир. Шу боисдан ҳам табиатни муҳофаза қилиш, унинг мусавволигини сақлаб қолиш инсония-тининг муқаддас бурчидир.

Инсон табиат қўйида яшар экан, унинг беминнат саҳовати, инъоми ва марҳаматидан баҳраманд бўлади. Шундай экан, мурувватли, қўрқам, саҳовати кенг табиатни эъозлаш, унга бўлган муҳаббатни инсон қалбиде ёшлиқдан ўйғотиш ке-рак. Гузал юртимизнинг пойтах-тида ободонлаштириш, қўла-ламзорлаштириш ишларининг оммавий равишда ўтказилиши унинг қўрқига янада қўрқ қўшмоқда. Тошкент шаҳар та-биатни муҳофаза қилиш қўми-таси томонидан Вазирлар Маҳ-камасининг 469-сонли қарори-га асосан «1999—2005 йиллар-га мўлжалланган атроф-муҳит-ни муҳофаза қилиш ишлари» дастури ишлаб чиқилган. Ана шу дастурга асосан, бир қанча тадбирлар мўлжалланган бўлиб, булардан ероти ичимлик су-

хона, яъни «Асбосоз» очик тур-даги акциядорлик жамаиоти ва «Оловдан қўчи» (собиқ абразив) заводидир. Бу қорхоналар кей-инги беш йилда жуда огир аҳволга тушиб қолган эди. Ҳар-икки қорхонага янги раҳбарлар-нинг келиши шарофати билан бир неча йиллардан бери бажа-


лида барпо этилган «Шаҳид-лар хотираси» ёдгорлик маж-муни барпо этишда ҳам бар-часи ҳиммат кўрсатиб иш-ладик. Бундан ташқари Али-шер Навоий номидаги Ўзе-бистон Миллий боғидаги обод-онлаштириш ва қўламазор-лаштириш ишларида юнсо-бодликлар ҳам фаол қатна-шишди. Бу ерга биз қўлаб-дарак ва буталар ўтказдик, 4 гектар жойга беда ва арпа уруғлари сепилди, бу ерда яшил ҳудудлар барпо қилин-ди. Баҳардаги ишларимиз халқ қўл. Метронинг «Юнсо-бод» йўли очилган, бир қанча қўлайликларга эга бўлинадди. Ана шуларни ўйлар эканмиз, ҳар биримиз халқ юқорида таъкидлаб ўтганидек, таби-атни муҳофаза қилиш, унинг мусавволигини сақлаб қолишдек бурчимизни баҳари-шимиз бизлар учун ҳам қарз, ҳам фарз эканлигига яна бир бор амин бўламиз.

Мулоҳаза
МУҚАДДАС БУРЧ

мосфера ҳавосининг ифлосла-ниш даражасини камайтириш, сув иншоотларини муҳофаза қилиш, шаҳарда ободонлашти-риш ишларини яхшилаш шулар жўмласидандир. Маълумки, Пой-тахтимизнинг Юнсобод тумани-да 18 та йирик ишлаб чиқариш қорхоналари, 16 та қўшма кор-хоналар, 450 та хусусий ишлаб чиқариш ва 2 мингдан ортиқ ху-сусий тадбиркорлар фаолият кўрсатмоқда. Шулардан 2 та кор-

вининг ифлосланиш даражаси-ни камайтириш, шаҳарда сув таъминотини яхшилаш, унинг ат-

рилмаган экологик тадбир ва режалар ўз ечимини топа бош-лади. Жорий йилдан бошлаб, йўлга қўйилган экологик тўлов тўлаш учун Юнсобод тумани бўйича 1489 та қорхона ҳисобга олиниб, улардан 455 минг 932 сўм тўлов ундирилди. Бу тушум-лар шаҳарнинг экологик ҳола-тини янада яхшилашга сарфла-нади. Юнсобод туманининг чи-ройи кун сайин гузалишиб бор-моқда. Яқиндагина Бўзсув сохи-



Сўлим гўшалар

Акмал Икромов
туманидаги Акмал
Икромов номили исти-
роҳат боғи туманда
яккаю ягона бўлиб, у
«Дўстлик» маҳалласи
ҳудудиде жойлашган.

ЯНГИ
СОҒЛОМЛАШТИРИШ
МАРКАЗИ

Бу маҳаллада 11500 дан зиёд аҳоли истиқомат қила-ди, уларнинг 30 фоизини ёшлар ташкил этади. Шунинг ҳам айтиш керакки, маҳал-ладаги барча дарахтларнинг 90 фоизи мевали дарахт-лардир. Яқинда Тошкент шаҳар ҳокимлигининг қаро-ри билан ушбу боғ Ҳамро-қул Турсунқулов қўчасида-ги Бўрижар ёқасига қўчи-рилди. Шу боисдан биз ма-ҳалла фаоллари туман ҳокимлигига ушбу боғда ҳашар йўли билан ёшлар-нинг соғломлаштириш мар-казини ташкил қилиш ху-су-сидеги тақлиф билан чиқ-дик. Бизнинг бу тақлифи-миз ҳокимлик томонидан маъқулланди. Шунинг айтиш керакки, ушбу марказни бу-нёд этиш учун озгина маб-лаг талаб қилинади, ҳоло-с. Чунки, бу ердаги спорт ин-шоотларининг 50 фоизидан фойдаланса бўлади, футбол майдони, сув ҳавзаси, би-лиард ўйнайдиган ва спорт тенниси мусобақаларини ўтказадиган майдончалар ишлаб турибди. Шунингдек, ҳеч бир дарахт кесмасдан ёки нобуд қилмасдан, ки-чик қўрилиш амалга оши-риш билан баскетбол, во-лейбол, бадминтон май-дончаларини барпо этса бў-лади. Соғлом авлод йи-л-да бундай марказнинг барпо этилиши ёшларнинг спортга янада кўпроқ жалб қилиш уларнинг жисмонан соғлом бўлишига катта ҳисса қўшади. Келажакда бу соғломлаштириш марказида ёшлар ўртасида туман ми-қёсидеги турли мусобақа-ларни ўтказиш имконияти туғилади.

Лутфулла ТўЛАГАНОВ,
«Дўстлик» маҳалласи-
нинг оқсоқоли.

Балиқларни муҳофаза қилайлик

Тошкент шаҳар таби-атни муҳофаза қилиш қўмитасининг режасига қўра шаҳар санитар милицияси билан ҳам-корликда ҳайвонот дунёсини, хусусан балиқларнинг урчиш даврида уларни муҳофа-за қилиш учун алоҳида тадбирлар ишлаб чиқилган.



Ана шундан келиб чиққан ҳолда шаҳардаги барча ички ишлар бошқармалари, ҳокимлик идоралари, мавжуд бозорларнинг раҳбарларига қўра шаҳар санитар милицияси билан ҳам-корликда ҳайвонот дунёсини, хусусан балиқларнинг урчиш даврида уларни муҳофа-за қилиш учун алоҳида тадбирлар ишлаб чиқилган.

«Паркент», «Эски Жўва», «Ширин» бозорларида кенг ту-шунтириш ишлари олиб бо-рилади. Қўмита назоратчилар санитар милицияси ҳодимла-ри билан биргаликда бозор-ларга рейдлар уюштиридилар. Шунинг натижасида мавсум бошидан ҳозирги қунга қадар бозорлар атрофидаги ҳудуд-ларда 43 нафар фуқаронинг балиқ ва балиқ махсус-латла-рини ноқонуний тарзда со-таётганликлари ҳоллари аниқланди. Бу шахсларга маъ-мурий жавобгарлик кодекси бўйича жарималар солинди. Шунинг ҳам айтиш керакки, агар мавсум бошида балиқ ва балиқ махсус-латларини ноқо-нуний тарзда сотиш ҳоллари кўп учраган бўлса, олиб бо-рилган амалий ва тарғибот ишлари натижасида эндилик-

Хазинанинг бири

«Эртадан бошлаб
гузал юртимизда ёз
мавсуми бошланади.
Куннинг иссиқ кез-
ларида ушбу сурат-
да тасвирланганидек
сўлим боғда, зилол
сувлар бағрида дам
олишга, қайиқларда
сайр қилишга нима
етсин. Пойтахтимиз-
да эса шундай
сўлим гўшалар би-
сёр. Бу ором мас-
канлари ёз бўйи
ҳамшаҳарларимиз
ва меҳмонларимизни
ўз бағрига қорлайди.

да бу ҳоллар кескин ка-майди. Бу сайёҳаракатла-римиз натижасида кела-жакда балиқларни урчи-тиш, қўпайтириш ва ундан кўзда тутилган махсус-лат-ларни олиш учун замин яратилди. Олиб борилаёт-ган тадбирлардан кўзда ту-тилган асосий мақсад, та-биат захирасининг бир қисми бўлган балиқ захи-расидан асраб-авайлаб фойдаланиш, шу йўл бил-лан келажак авлод учун балиқ махсус-латларининг мўл-қўллигини таъминлаш назарда тутилмоқда. Фик-римизни мутхасар этиб шунинг таъкидлашимизки, ҳай-вонот олами, айнисқа ба-лоқ ва унинг захиралари-ни муҳофаза қилиш ҳамда ундан илмий асосда оқсо-на фойдаланиш фақат та-биатни муҳофаза қилиш органларининг ишигина бўлиб қолмай, балки бу ишда барча фуқаролар ва кенг жамоатчилик фаол иштирок этса, айна мудоао бўлур эди.

Шавкат
АБДУРАХМОНОВ,
Тошкент шаҳар таби-
атни муҳофаза қилиш
қўмитаси ўқимлик ва
ҳайвонот дунёсини
муҳофаза қилиш
бўлими давлат ноэри.

Текишувлар

ҚАЧОНГАЧА ЖАРИМА ТЎЛАЙСИЗ?

Тошкент шаҳар табиатни муҳофаза қилиш қўмитаси нозирларининг жойларда олиб бораётган текишувлари натижасида табиат мусавволигини қўриқлаш билан муносабатда бўлиш ҳоллари аниқланмоқда ва ана шундай ҳолга йўл қўйган кишилар жаримага тортилмоқда.

◆ Чилонзор туманининг 9-мавзесидаги 17 ва 20-уйлар орасида қатта қичқинди тўпланиб ётибди ва қичқиндилар ёқилган. Бу эса табиат-ни муҳофаза қилиш қўмитасининг бузилиши, де-ган гаплар. Шу сабабли тумандаги 5-ижара қор-хонаси бошлиғи И. Мелиевга 4 минг сўм жари-ма солинди.

◆ Масъулияти чекланган «Эркин-Осиё» жа-минити ҳудудига қурилиш ва ишдан чиққан ав-тошиналар қичқиндилари ҳамда контейнерлар-даги қичқиндиларнинг ўз вақтида олиб кетилма-ганига сабабли директор ўринбосари Н. Сте-панов 3 минг сўм жаримага тортилди.

◆ «Тошкент» аэропортининг ОИС ДИА бош-лиғи В. Олейников тозаланмаган қичқинди су-ларни Қорасув каналига чиқараётгани ва бу-нинг натижасида сув ҳавзаси муҳофазасини бу-заётганига учун 3500 сўм жарима тўлади.

◆ «Омад-Плост» қўшма қорхонасида атмо-сферага зарарли қичқиндилар чиқаришмоқда. Шу боисдан қорхонанинг директор ўринбосари Б. Абдунабиевга 5250 сўм жарима солинди.

◆ «Тошкент» аэропорти қошидаги «Инвест қурилиш Аэро» дирекцияси директори И. Бе-головичнинг экологик экспертизанинг рухсатисиз иш олиб бораётгани 5250 сўм жарима тўлаш би-лан туғайди.

◆ Тозалаш иншоотларининг қонқарсиз аҳво-лалига ва сув ўлғачиларнинг йўқлиги туфайли 10-автотранспорт қорхонаси бош механиги Б. Саидовга 5250 сўм жарима солинди.

◆ Сергели туманидаги 236-болалар боғчаси мудираси П. Ниёзовга 5250 сўм жарима со-линди. Бунинг боиси рухсатсиз, ўзбошимчили-билан боғча ҳудудидеги 9 та теракнинг кесиб ташланганлигидир.

◆ «Улутбек-Президион» қўшма қорхонасининг цех бошлиғи Р. Одобековга 3500 сўм жарима тўлади. Цехда электрролитларнинг тўқилиши, иш-дан чиққан люминисцент лампаларининг қон-қарсиз ҳолда қалқаниши ва қалъаванга цехида кислород плитасининг йўқлиги аниқланганиги боис цех бошлиғига жарима солинди.

◆ Ҳеч қандай далолатномасиз, ўзбошимча-лик билан лицей ҳолисидеги оптика манзарали дарахтлар кесиб ташланганига туфайли ян-ги технология бўйича республика ҳунар-техника жи-ейининг директори А. Азимовга 3500 сўм жа-рима солинди.

Барно ЭРТАШЕВА,
Тошкент шаҳар таби-
атни муҳофаза қилиш
қўмитасининг бўлим мухассиси.
Мақоалаларни Санд БОТИРОВ тайёрлади

Санъат

Куй-қўшиқ шундай сирли мўъжизаки, у хатто жажжи кичкинтойлар калбига она алласидек ором бергүвачидир. У эзгулик макон тутган юракларда яшайди. Ёшлигидан сехрли куй оламига шахдам кириб келган, бутун умрини азиз болажонлар калбига эзгулик, меҳр нурларини сочиб куй-қўшиқка ошно этиб келадиган инсонни ҳаммамиз яхши таниймиз. У «Булбулча» болалар хор дастасининг раҳбари, бастакор, Ўзбекистон халқ артисти, «Соғлом авлод» ордени соҳиби Шермат Ерматовдир.

ФАРЗАНДАЛАРГА БАХШИДА УМР

— Шермат ака, сизни катталардан ҳам кўра кичкинтой болажонлар кўпрок «ойнаи жаҳон»да кўп йиллардан бўён намойиш қилиб келинаётган «Кўшигим» — жон қўшигим» кўрсатуви ҳамда «Булбулча» болалар хор дастасининг раҳбари сифатида яхши танишадим. «Булбулча» дастаси юрагингизнинг бир парчасидек гўё, шундай эмасми?

— Ха, тўғри айтдингиз. Ушбу даста аъзолари менинг ҳаётим, ижодим, фахрим, Ёшлигимдан ҳам санъатга, ҳам болаларга меҳрим бўлакча. Уч ёшимдан санъатга қизиқиб доира чалганман. Мактабга борган вақтларим доирани ҳам кўтариб борардим. Кўпчили: «Шермат ака, сизнинг чеҳрангизда илиқ меҳр, кўзларингизда болаларни ўзига ром этувчи сирли нур борга ўхшайди», дея ҳазиллашарди. Бўлса бордир, Инсоннинг қалби юзқуздан билинади, дейишадик. Болаларга бўлган меҳрим — Ватанга бўлган меҳримдир. Улар жону дилим. Болалар билан ишлаб чарчаш нималарини билмайман.

— Сиз фарзандларимиз учун кўплаб қўшиқлар яратгансиз, мусикаларни фақат ўзингиз басталайсизми ёки бошқа баста-



корлар билан ҳамкорлик қиласизми?

— Йўғе, албатта таниқли бастакорлар, таниқли болалар шoirлари билан ҳамкорликда ишлаб келяпмиз. А. Мансуров, Н. Норқўжаев, Д. Омонуллаева сингари бастакорлар доимо ўз ёрдамларини аямлай келишпти. Шулар қатори ўзим ҳам жуда кўп мусикалар яратдим. Ҳозир 150 дан ортиқ қўшиқларимни болалар севиб ижро этишмоқда.

— «Булбулча» гуруҳи қачон ташкил топган?

«Кўшигим» — жон қўшигим» кўрсатуви ҳам кўп йиллардан бўён болажонларга яхши таниш. Бу кўрсатув фарзандларимизнинг санъатга бўлган муносабатларида қандай аҳамият касб этаяпти, деб ўйлайсиз?

— Республикада қўшиқ санъатини ривожлантириш мақсадида 1970 йил ҳукуматимиз томонидан махсус қарор чиққан. Шу қарорга жавобан «Булбулча» хор дастаси ташкил топган. Мана бу

йил дастанинг ташкил топганига 30 йил тўлади. Ўзим ҳам 60 ёшни қаршлайман. Умримнинг 30 йиллини болаларга бахшида қилдим. Бундан фахрланаман, албатта. Ҳозирги кунда жамоамиз янада кенгайган. Рақс дасталари, миллий чолғулар гуруҳлари мавжуд. 700 га яқин уч ёшдан йигирма ёшгача бўлган ўқувчилар қатнашмоқда. Жамоамиз билан ҳамдўстлик мамлакатларининг қарийб ҳаммасида, шунингдек чет мамлакатлардан Германия, Югославия, Конго ва бошқа шу сингари давлатларда халқаро болалар фестивалларида иштирок этиб, совинли ўринларни олиб қайтганмиз.

«Кўшигим» — жон қўшигим» кўрсатуви мана қарийб 25 йилдан бўён кенг қамровда мунтазам намойиш қилиб келинапти.

— 1 июнь — Болаларни ҳимоя қилиш халқаро кун арафасида болажонларга тилакларингиз...

— Болаларнинг байрамларига бағишлаб «Туркистон» саройида ўтказиладиган 1-Республика болалар фестивалига тайёргарлик қўрдик. Бу ерда 6 мингга яқин томошабин ва санъатсевар ёшлар қатнашиб, катта байрам тадбири ўтказилди. Улар ҳаммалари биргаликда қўшиқ қўлашди. Ёш қўшиқсевар болажонларга тилагим — доимо оғ бўлисин, болалар болаларча қўшиқларни, шунингдек, миллий қўшиқларимизни севиб ижро этишларини истардим. Ҳақиқатан ҳам болаларнинг кўн-кўл кулгиларию янграқ қўшиқлари жарангласин.

Гулнора ШОКИРОВА сўхбатлашди.

СУРАТДА: Ўзбекистон халқ артисти Шермат Ерматов «Булбулча» болалар хор дастаси билан.



БЕШИК БОЛАСИ — БЕК БОЛАСИ

(АСКЯ)

ИСКАНДАР. Убайдулла ака, меъ Сизга ҳам, Жалолиддинга ҳам «БЕШ» кетмадим.

УБАЙДУЛЛА. Бунчалик БЕШАФАҚАТ бўлмаган, сабабини билсак бўладими?

ИСКАНДАР. Албатта. Яқинда икковингизни «БЕШИНЧИ трамвай» йўлида қўриб қолдим. «БЕШИКТЕРАВАТ»га ўхшаб, етаклашиб кетаётган экансизлар, тинчликми?

УБАЙДУЛЛА. Уша томондан БЕШ хонали уй олган бир дўстимизни табриклагани борган эдик. Биласиз-ку, биз БЕШЕРИК юрмаймиз.

ЖАЛОЛИДДИН. «БЕШ КУНЛИК ДУНЁ»да инсонга ҳамма нарса керак бўлар экан. БЕШИНЧИ қалиш қидириб, дўконларни ҳам айландик.

ИСКАНДАР. Қалиш қўғур «Чорсу» бозоридан ташқари «БЕШЕГОН», «БЕШКАЙРАГОЧ»даги дўконларда ҳам тоғиларди-ку.

УБАЙДУЛЛА. Сиз айтган манзилларда нархи қиммат. Бу ердаги БЕШИЖОАТ сотувчиларнинг кўпчилиги чайқовчи, «БЕШ ПАНЖАЛАРИНИ ОЎЗГА ТИҚАНЛАРДАН».

ЖАЛОЛИДДИН. Ха, «БЕШ КЎЛ БАРАВАР ЭМАС». Арзмаган матоҳнинг нархи бир жойда арзон, икки қадам нарига борсанг, БЕШАК осмонда.

ИСКАНДАР. Нимасини айтасиз, айрим БЕШУКУР сотувчилар харидорларни шилиш дарадига йўлиқшган шекилли, улар БЕШАРМ, БЕШАФАҚАТ чиқиб қолшган. Нарх-навони ҳам қундан-қунга БЕШБАТТАР ошираётган БЕШИФО қимсалар ҳам аслида ўшалар.

УБАЙДУЛЛА. Лекин ҳали ҳам бўлса, бозордаги «БЕШИКЧИ», сумакчи усталарда озгина инсоф бор.

ИСКАНДАР. Нима, Сизга БЕШИК керакми, сумакми?

УБАЙДУЛЛА. Ха, Жалолиддинни «БЕШИККА СОЛМОҚЧИДИК».

ИСКАНДАР. Жалолиддинни «БЕШИККА БЕЛАСАНГИЗ» оёғи чиқиб қолади-ку! Тагин боши БЕШИКСОҲОҚ бўлиб қолмасин.

УБАЙДУЛЛА. «БЕШИК-БИЛИГИ» бежогли бўлса, боланинг ости ҳам доим қуруқ, покиза, боши, оёқ-қўли ҳам тўғри бўлади.

ЖАЛОЛИДДИН. Нега Сизларга менинг ташвишим тўғриси қолди? «БЕШИГИМИНИ ТЕБРАТАНЛАР БОШКА»!

ИСКАНДАР. Ахир Сизни «БЕШИККА СОЛИБ» оёқ-қўлингизни боғлаб қўймаса, сўргини ташлаб, бармогингизни сўриб ётибсиз!

УБАЙДУЛЛА. Қўнғингизга келмасин-ку, Жалолиддин, «БЕШИКДА ТИШ» ҳаммага ҳам насиб қўлавермайди. Мана мен онадан етти ойлик тўғилиб, буямнинг теллақларида катта бўлган эканман. Шу аҳолида бировнинг қизи менга «БЕШИККЕРТИ» ҳам қўйилган экан.

ЖАЛОЛИДДИН. Бу гапингизга БЕШАК ишонамиз.

УБАЙДУЛЛА. Мана, Худода шукр, уйим бор экан, тўқилган риску насибамни тегиб, катта оилам БЕШИГИНИ тебратиб турибман.

ИСКАНДАР. Гапингиз сирасини айтганда, авваллари БЕШИККА БЕЛАНГАН боланинг оёқ-қўли маҳкам боғлаб қўйилгани учун суяклари, мушаклари яхши ўсмайди, бола доим қалқанча ётаверганидан боши ясси, сўпоқ бўлиб қолади, бундан ташқари, БЕШИК

УСТИ гўвранлўш билан ёпилганидан бола димкиб, яхши нафас олмайдди, ақли оҳиз бўлади, дейишарди. Сиз БЕШИКДА КАТТА

БЎЛГАНгиз билан ақли-хушингиз жойида, сўзамолсиз. ЖАЛОЛИДДИН. «БЕШИК БОЛАСИ — БЕК БОЛАСИ» деб, бекиз айтишмаган. Бола бўлса, мендек соғлом, дурқун, бардам, бақувват бўлар! Мана, БЕШАРИҚДА ўтказилган БЕШКУРАШДА не-не полвонлар билан беллашиб, БЕШИНЧИ ўринни олдим-ку!

УБАЙДУЛЛА. Ха, балли! Ана энди ўзингизга келдингиз, ошман! Доноларимиз: «Она БЕШИК» тебратар, бола дунёни» дейишгани шу-да!

ИСКАНДАР. Гапингиз жуда тўғри, Убайдулла ака. Бўлмаса, БЕШИКДА КАТТА БЎЛГАН қанчадан-қанча олим у фузало, боксчи, полвонларимиз оламага машҳур бўлишармиди? БЕШИКда яхши ҳикмат, фазилат борки, улар шундай улў даражаларга етишишган. Ният шукки, бошимиз доим БЕШИК ТҮЙИДАН чиқмасин!

УБАЙДУЛЛА. Келинларимиз, қизларимиз эғилларига духобадан БЕШБЕЛ, БЕШАМАТ сойишиб, соғлом чақалоқларни дунёга келтириб, БЕШИК УСТИДА алла айтиб, катта қилишсин!

ЖАЛОЛИДДИН. Искандарга ўхшаган БЕШИКПАРВАР шoirлар илҳоми жўшиб, БЕШИКЛАР ёзишсин:

Омон бўлсин БЕШИК боласи,
Ўзига хон, бекнинг боласи!
Ўзбекистон гули — лоласи,
Асал-қанди, жигарпораси,
Оқмасин ҳеч қўздан жоласи!

УБАЙДУЛЛА. Э, яшанг! Бунақа шеърларга «БЕШНИ ТАШЛАБ», ҳар қанча БЕШАРСАҚКА тушсак ҳам қамлик қилади-ёй!

ЖАЛОЛИДДИН. Тўғри айтасиз, Убайдулла ака. Қарсак қалишга ўчаламиз қамлик қилаймиз шекилли. Кейинчалик қўлайишиб, тўрттоқ, БЕШОВ бўлиб, «БЕШУРУ» сайлига БЕШАРОВ борсак, яхши бўларди.

ИСКАНДАР. Қовун сайлига ҳали озгина вақт бор. Худо хоҳласа, борармиз. Унгача БЕШОТАРНИ олиб, БЕШКЎРҒОН томонларга оваг чиксакми дейман.

УБАЙДУЛЛА. Фикрингизга БЕШАРТ қўшиламиз. Қайтишимизда БЕШАТЕРАҚдаги бир дўстимизникида Сизларни БЕШАРМОҚ билан меҳмон қилардим.

ИСКАНДАР. Қайси танишингиз? Анови. «БЕШҚАРТАДА ЮТ-ҚАЗАН» одамни айтаяпсизми?

ЖАЛОЛИДДИН. Йўқ, менингча, сочлари БЕШКОКИЛ, ойдайдой БЕШТА қизлари бор БЕШМУРОД акани айтаятилар.

ИСКАНДАР. Қани, кетдик бўлмас! Сафаримиз БЕШИКАСТ бўлсин!

УБАЙДУЛЛА. Мана бу гапингизга «БЕШ» баҳол! ҲАММАЛАРИ БИРГАЛИКДА:

Омон бўлсин БЕШИК БОЛАСИ,
Ўзига хон, ўзбек боласи!
Алла айтсин БЕШИК БОШИДА,
Соғ-саломат тўқдан онаси!

Оқда кўчирувчи: Искандар РАҲМОН.

ТИҲОРАТ ХАБАРЛАРИ ВА ЭЪЛОНЛАР

«ЎЗБЕКДАВЛАТЦИРКИ» РЕСПУБЛИКА БИРЛАШМАСИ

Танлов асосида:

Ташқи кўриниши билан ўзига тортадиган, рус ва ўзбек тиллари бўйича билимга, яхши талаффузга эга бўлган 20 ёшдан 30 ёшгача йигитларни (бўйи 180—185) ва қизларни (бўйи 165—170) ТАКЛИФ ЭТАДИ

Маълумот учун телефонлар: 144-35-94, 144-32-23.

Тошкент шаҳар Ички ишлар бош бошқармаси раҳбарияти ва шахсий таркиби Ўзбекистон Республикаси Ички ишлар вазирининг ўринбосари, милиция генерал-майори Б. Р. Парпиевга падари бузруквори

РАҲМАТ ОТАНИНГ

вафоти муносабати билан чуқур таъзия изҳор қилади.

«Тошкент оқшом» ижодий жамоаси газетанинг соhib бўлим мудир, ёзувчи ва журналист, «Ўзбекистон овози» газетасининг бўлим мудир **Ҳалид ИКРОМОВНИНГ** вафот этганилиги муносабати билан марҳумнинг оила аъзоларига ва яқинларига чуқур ҳамдардлик билдиради.

Шаҳар Ободонлаштириш бош бошқармаси маъмурияти, қасаба уюшма қўмитаси Собир Раҳимов тумани ободонлаштириш бошқармаси бошлиғи Шоймақсуд Назирович Шомансуровга умр йўлдоши **Марғуба Собировна ШОМАНСУРОВНА** бевақт вафоти муносабати билан чуқур таъзия изҳор қилади.

«Тошкент оқшом» ижодий жамоаси газетанинг фаол муаллифи, элшўнос олим, тарих фанлари номзоди Билал Аминовга падари бузруквори **МАҲМУД ОТАНИНГ** вафот этганилиги муносабати билан чуқур ҳамдардлик билдиради.

Бош муҳаррир Акмал АКРОМОВ

Манзилимиз: 700000, Тошкент шаҳри, Матбуотчилар кўчаси, 32

ТЕЛЕФОНЛАР: хатлар — 133-29-70; эълонлар: 133-28-95, 132-11-39; факс: (3712) 133-29-09.

Душанба, чоршанба ва жума кунлари чиқади. Нашр кўрсаткичи — 209

Ҳажми — 2 босма табоқ офсет усулида босилади. Қоғоз бичими А-2

Нашрни етказиб бериш масалалари бўйича турар жойлардаги почта бўлимларига ёки «Тошкент почтамати»га — 133-74-05 телефонига мурожаат қилишингиз мумкин.

Рўйхатдан ўтиш тартиби: №10.

«Шарқ» нашриёт-матбаа концерни босмахонаси.

Корхона манзили: «Буюк Турон» кўчаси, 41-уй.